

Николай Михайлович Черный

Коми Республикаса Юралысьлөн 2021 во моз тöлысь 6 лунся 99 №-а Индöдөн сетöма «Почёта гражданин» Коми Республикаса медвылыс почёт ним.

Н.М. Черный чужис 1953 вося ода-кора тöлысь 7 лунö Коми Республикаса Сыктывдін районлөн Вильгорт сиктын. 18 арöсөн Сыктывкарса видз-му овмöс техникум помалöм бöрын Николай Михайлович пырис уджавны «Сыктывкарса» чипан видзан фабрикаö механикөн. 1992 воын сійö помалис Кировса видз-му овмöс институт, босьтис зоотехния специальность серти зооинженер квалификация. Николай Михайлович 20 сайö во уна сикас чинын уджалис «Сыктывкарса» чипан видзан фабрикаын.

25 воысь дырджык нин Николай Михайлович веськöдлö Коми Республикаса агропромышленнöй юкöнын тöдчана предприятиеөн – «Чипан видзан Зеленечса фабрикаөн». Николай Михайловичöс директорөн индिसны 90-öд воясö. Сэки кризис вöсна предприятиеыс дугдылис нин уджавны, сійöс шуисны банкротөн. Финансöвöй да экономика боксянь сьöкыд кадö Николай Михайлович вермис колана ногөн котыртны чипан видзан фабрикалысь уджсö, видзны уджалан местаяссö да водзö сійöс сöвмöдны.

2008 воын чипан видзан фабрика дорö йитисны «Порсь видзан Зеленечса комплекс». Сійö сідзжö вöлі банкроталöм выйын. Дженьыд кадөн Николай Михайлович вермис капиталнöя дзоньтавны уджалан цехьяссö, могмöдны комплекссö вылыс технологияя оборудованиеөн. 2016 воын кризисыс инмис и «Сыктывкарса» чипан видзан фабрикалы. Н.М. Черныйлөн вöзйöм серти сійöс тшöтш йитисны сыөн веськöдлан агропромышленнöй комплекс дорö.

Вежсьöмьяс бöрын «Зеленечса» чипан видзан фабрика лоис Коми Республикаса медыджыд видз-му овмöс производительөн. Чипан видзан фабрика пырис странаса медбур предприятиеяс лыдö да Россия Федерацияса система артмöдысь предприятиеяслөн списокö. Сэни вöчöм прöдукциясö пасйöма россияса да войтыркостса уна наградаөн.

Николай Михайлович Черный – бур юрнуöдысь, опыта видз-му овмöс нуöдысь, уджсö бура тöдысь, веськыд морт. Видз-му овмöс сöвмöдöмысь, куим предприятие выльмöдöмысь Н.М. Черныйöс пасйöма канму да ведомствоса уна сикас наградаөн. На лыдын «Россияса агропромышленнöй комплекс сöвмöдöмö пай пунктöмысь» зарни медаль, «Айму водзын заслугаясысь» II степеня орденлөн медаль. Николай Михайловичлы сетöма «Россиялөн агропромышленнöй комплекса почёта уджалысь», «Россия Федерациялөн видз-му овмöсса нимйöза уджалысь», «Коми Республикаса нимйöза уджалысь» нимьяс.